

Cov ntaub ntawv no yuav pab ua rau cov niam/cov neeg saib xyuas menyuum paub txiav txim siab txog yam muaj txiaj ntsig rau lawv cov menyuum, cov tsev kawm ntawv thiab cov neeg hauv zej zog.

Vim li cas thiaj li yuav ntsuas thooob plaws hauv lub xeev?

Minnesota muaj kev saib siab txog nws li kev qhia ntawv thiab nws cov kws qhia ntawv. Minnesota cov kws qhia ntawv tau tsim cov qauv qhia ntawv nruj thiab npaj rau peb cov menyuum kawm ntawv kom npaj txhij mus kawm ua haujlwm thiab kawm qeb siab.

Qhov kev tshuaj ntsuam xyuas thooob plaws lub xeev no yog peb xav ntsuas seb cov kev qhia ntawv txhua hnuv rau hauv peb cov tsev kawm ntawv puas mus raws li cov qauv qhia ntawv, thiaj li yuav ua rau txhua tus menyuum kawm ntawv raug qhia ntawv zoo. Qhov tau los ntawm ntawm qhov tshuaj ntsuam xyuas no tsuas yog ib qho kev soj qab xyuas seb peb muab kev qhia ntawv rau peb cov menyuum kawm ntawv tau zoo li cas kom cov menyuum dhau mus ua cov neeg paub ua haujlwm thiab muaj kev txawj ntse.

Vim li cas qhov mus koom no thiaj li tseem ceeb?

Ib qho kev tshuaj ntsuam xyuas thooob plaws lub xeev yog ib qho kev ntsuas kev kawm tau ntawv ntawm koj tus menyuum, tab sis qhov koj tus menyuum mus koom rau qhov kev ntsuas no yeej tseem ceeb vim yuav ua rau peb nkag siab tias kev qhia ntawv rau tom koj tus menyuum lub tsev kawm ntawv puas mus raws li cov qauv qhia ntawv.

- Kev siv Txoj Cai ntawm tsoom fwm Minnesota hais txog Txhua Tus Menyuum Kawm Ntawv Yuav Tsum Kawm Ntawv Kom Tau, ib tug menyuum kawm ntawv uas tsis tau mus koom qhov kev ntsuas thooob lub xeev yuav tsis tau txais qhab nia ntawm tus kheej thiab yog “tus tsis paub ntawv zoo” thiab lub tsev kawm ntawv thiab lub chaw saib xyuas tsev kawm ntawv hauv ib cheeb tsam yuav tsum tau mob siab saib xyuas, suav txog kev pab txhawb thiab kev lees paub.
- Cov menyuum kawm ntawv uas tau txais tus qhab nia npaj txhij mus kawm qeb siab thaum kawm hauv tsev kawm ntawv theem siab MCA yuav tsis tau mus ntsuas dua, tsis tau qhab nia dua rau ntawm ib lub tsev kawm ntawv theem siab lossis qeb siab hauv Lub Xeev Minnesota rau hom kawm uas nws tau ntsuas ntawd, qhov no thiaj li tsis poob nyiaj thiab ua rau tus menyuum kawm ntawv tsis nkim sijhawm.
- Cov kws qhia ntawv thiab cov kws tsim txoj cai tswj fwm yuav siv cov ntaub ntawv los ntawm qhov tshuaj ntsuam xyuas no txiav txim txog cov kev pab txhawb, nyiaj txiaj thiab cov kws qhia ntawv.
- Cov niam txiv thiab cov neeg pej xeem sawd daws siv cov ntaub ntawv tau los ntawm qhov kev tshuaj ntsuam xyuas coj los sib piv cov tsev kawm ntawv thiab txiav txim siab seb yuav npaj yuav ib lub tsev rau thaj chaw twg lossis yuav tso npe koj lawv cov menyuum mus kawm rau lub tsev kawm ntawv twg.
- Qhov ntsuas tau los hauv lub tsev kawm ntawv yuav raug muab tshaj tawm rau sawd daws paub thiab raug siv los ntawm cov tsev neeg thiab cov zej zog uas raug cuam tshuam tsis zoo yog cov menyuum kawm ntawv tsis mus koom cov kev tshuaj ntsuam xyuas no.

Cov Qauv Kawm Ntawv thiab Cov Kev Tshuaj Ntsuam Xyuas
Cov qauv kawm ntawv muaj li cas xwb?

Cov menyuum kawm ntawv thooob lub xeev yuav tsum kawm kom tiav raws li [Minnesota Cov Qauv Kawm Ntawv Hauv Qeb K-12](#). Lawv txheeb xyuas txog kev paub thiab cov txuj ci uas txhua tus menyuum kawm ntawv yuav tsum kawm tiav rau hauv hom kawm thiab raug ntsuas rau hauv theem qeb kawm. Cov chaw saib xyuas tsev kawm ntawv yuav txiav txim tias yuav ua li cas cov menyuum kawm ntawv thiaj li kawm tau raws li cov qauv kawm los ntawm kev tsim kho hom kawm thiab cov qauv qhia ntawv kom tau mus raws li cov qauv kawm ntawv.

Cov kev tshuaj ntsuam xyuas thooob plaws lub xeev thiab cov qauv kawm ntawv muaj qhov sib ze li cas?

Cov kev tshuaj ntsuam xyuas thooob plaws lub xeev yog hom kawm lej, kev nyeem ntawv, thiab hom kawm xaij raug siv los ntsuas seb cov menyuum kawm ntawv, thiab lawv lub tsev kawm ntawv thiab lub chaw saib xyuas tsev kawm ntawv puas ua tau raws li cov qauv kawm ntawv. Cov kev tshuaj ntsuam xyuas thooob plaws lub xeev yog ib qho kev ntsuas seb cov menyuum kawm ntawv puas ua tau zoo li cas rau hom kawm uas lawv niaj hnuv kawm. Nws kuj raug siv los ntsuas seb cov tsev kawm ntawv thiab cov chaw saib xyuas tsev kawm ntawv ua puas tau raws li lawv cov qauv qhia ntawv thiab cov qauv kawm ntawv li cas.

Minnesota Qhov Kev Tshuaj Ntsuam Xyuas Txog Kev Paub Ntau Yam (MCA) thiab Minnesota Qhov Kev Ntsuas Cov Txuj Ci Kev Paub Ntawv (MTAS)

- Saib raws li Minnesota Cov Qauv Kawm Ntawv; qeb kawm 3-8 yuav tau ntsuas ib xyoo ib zaug thiab tsev kawm ntawv theem siab ntsuas kev nyeem ntawv thiab hom kawm lej; qeb kawm 5, 8 thiab tsev kawm ntawv theem siab yog ntsuas hom kawm xaij.
- Feem coob ntawm cov menyuum kawm ntawv yeej ntsuas qhov MCA.
- MTAS yog ib qho kev xaiv rau cov menyuum kawm ntawv uas xiam oob qhab.

ACCESS thiab Qhov Txauv Hloov ACCESS rau Cov Neeg Kawm Ntawv Askiv

- Saib raws li WIDA Cov Qauv Kev Paub Ntawv Askiv.
- Cov neeg kawm ntawv Askiv rau hauv cov qeb kawm K-12 yuav tau ntsuas kev nyeem ntawv, kev sau ntawv, kev mloog lus thiab kev tham lus ib zaug hauv ib lub xyoo.
- Cov neeg kawm ntawv Askiv feem coob yeej ua qhov ACCESS rau cov ELLs.
- Qhov Txauv Hloov ACCESS rau cov ELLs yog ib qho kev xaiv rau cov neeg kawm ntawv Askiv uas xiam oob qhab.

Vim li cas cov kev tshuaj ntsuam xyuas no thiaj li muaj txiaj ntsig zoo?

Minnesota ntseeg tias yuav ntsuas kom paub zoo txog yam cov menyuam tab tom kawm, yuav tsum muaj ntau nqe lus xaiv teb rau qhov kev ntsuas.

- Yuav teb rau cov nqe lus nug, tej zaum cov menyuam kawm ntawv yuav tsum ntaus cov nqe lus teb, rub thiab tso cov duab thiab cov lo lus, lossis txoj kab duab ntaub ntawv lossis cov ntaub ntawv.
- Qhov kev ntsuas Kev Nyeem Ntawv thiab Hom Kawm Lej raws li MCAs raug hloov kho, qhov no txhais tias cov nqe lus teb uas ib tug menyuam kawm ntawv teb yog muaj feem ntsig txog cov nqe lus nug txuas mus ntxiv uas tus menyuam kawm ntawv yuav teb.
- Qhov kev ntsuas Hom Xaij raws li MCA ua tooj txhij ua ke, cov menyuam kawm ntawv yuav tsum teb cov nqe lus nug.

Cov kev ntsuas no pab ua rau cov menyuam kawm ntawv muaj sijhawm xav txog yam yuav tsum ua kom tau rau kev kawm qeb siab thiab kawm ua haujlwm thiab ua rau pom txog yam lawv paub thiab yam lawv tuaj yeem ua tau.

Puas muaj tej yam txwv rau qhov kev ntsuas hauv ib cheeb tsam?

Raws li hais tseg rau hauv Minnesota Cov Cai Lij Coj, tshooj 120B.301, rau cov menyuam kawm ntawv hauv qeb kawm 1–6, tag nrho cov sijhawm siv tshuaj ntsuam xyuas hauv lub xyoo kawm ntawv twg rau hom ntsuas thoob plawv hauv ib cheeb tsam lossis thoob plaws hauv lub tsev kawm ntawv yuav tsum tsis tshaj 10 teev. Rau cov menyuam kawm ntawv hauv qeb kawm 7–12, tag nrho cov sijhawm siv tshuaj ntsuam xyuas hauv lub xyoo kawm ntawv twg rau hom ntsuas thoob plawv hauv ib cheeb tsam lossis thoob plaws hauv lub tsev kawm ntawv yuav tsum tsis tshaj 11 teev. Cov kev txwv no tsis muaj nyob rau hauv qhov kev ntsuas thoob plaws hauv lub xeev.

Yuav ua kom muaj kev ncaj ncees, txoj cai lij choj kuj tau sau hais tseg tias ua ntej thawj hnuv pib kawm ntawv hauv lub xyoo kawm lub chaw saib xyuas tsev kawm ntawv lossis tsev kawm ntawv ntiag tug yuav tsum tshaj tawm lub caij ua cov qauv ntsuas rau hauv lawv lub website rau hauv lub xyoo kawm ntawd. Yuav tsum nrhiav lub caij nyoog tsim nyog rau txhua qhov kev tshuaj ntsuam xyuas thiab yuav tsum qhia tias yuav siv qhov kev ntsuas raws li txoj cai hauv ib cheeb tsam lossis yuav tsum ua raws li txoj cai ntawm lub xeev lossis ntawm tsoom fwm nom tswv.

Yog kuv xaiv tsis cia kuv tus menyuam mus koom yuav zoo li cas?

Cov niam txiv/cov neeg saib xyuas menyuam yeej muaj cai tsis pub lawv tus menyuam mus koom cov kev tshuaj ntsuam xyuas raws li tshooj cai ntawm lub xeev. Minnesota Cov Cai Lij Choj yuav tsum lub tsev haujlwm saib xyuas kev kawm ntawv muab cov ntaub ntawv hais txog cov kev tshuaj ntsuam xyuas thoob plaws lub xeev qhia rau cov niam txiv/cov neeg saib xyuas menyuam thiab nrog rau ib daim ntawv foos yog lawv tsis kam lees cia lawv tus menyuam mus koom cov kev ntsuas. Daim ntawv foos no nyob rau nplooj ntawv tom ntej thiab muaj kem sau txog lub laj thawj uas koj tsis kam lees cia tus menyuam mus ntsuas. Tej zaum koj tus menyuam lub chaw saib xyuas tsev kawm xav tau lwm cov ntaub ntawv ntxiv.

Tej zaum ib lub tsev kawm ntawv lossis ib lub chaw saib xyuas tsev kawm ntawv xav tau lwm cov ntaub ntawv ntxiv tshaj cov hais tseg rau hauv cov ntaub ntawv no rau ib tug menyuam kawm ntawv uas tsis tau mus ntsuas rau hauv cov qauv tshuaj ntsuam xyuas ntawm lub xeev. Tej zaum kuj yuav ua rau tsis tau mus ua cov kev tshuaj ntsuam xyuas uas tau xaiv tseg thiab raug tswj xyuas rau ntawm ib cheeb tsam. Thov hu rau koj lub tsev kawm ntawv yog xav paub ntau ntxiv txog qhov kev txiav txim siab hauv ib cheeb tsam.

Cov menyuam kawm ntawv yuav ua qhov tshuaj ntsuam xyuas rau thaum twg?

Txhua lub tsev kawm ntawv yeej npaj lub caij ntsuas raws li qhov kev ntsuas ntawm lub xeev. Hu rau koj tus menyuam lub tsev kawm ntawv yog xav paub hnuv ntsuas.

- Qhov kev ntsuas MCA thiab MTAS yog pib rau thaum lub Peb Hlis thiab mus kawg rau thaum lub Tsib Hlis.
- Qhov kev ntsuas ACCESS thiab Qhov Txauv Hloov ACCESS rau cov ELLs yog pib rau thaum lub qab Ib Hlis thiab mus kawg rau thaum lub Peb Hlis.

Kuv yuav tau txais qhov ntsuas tau los ntawm kuv tus menyuam rau thaum twg?

Yuav xa cov ntaub ntawv teev num ntawm tus menyuam kawm ntawv mus rau lub chaw saib xyuas tsev kawm ntawv raug thaum txhua lub caij ntuj sov thiab mam li xa mus rau cov tsev neeg kom tsis pub dhau ntawm cov rooj sib tham thaum lub caij nplooj ntoos zeeg. Saib ntaub ntawv teev tseg no los saib koj tus menyuam qhov kawm tau ntawv thiab pab txhawb rau kev qhia ntawv rau yav tom ntej.

Yuav siv sijhawm ua qhov kev ntsuas ntev npaum li cas?

Ib xyooos twg tsuas ntsuas ib zaug rau cov tshuaj ntsuam xyuas thoob plaws lub xeev; feem ntau ntawm cov menyuam kawm ntawv ntsuas hauv online. Lub sijhawm siv uas qhov tshuaj ntsuam xyuas thoob plaws lub xeev no **tsawg dua 1 feem pua ntawm lub sijhawm qhia ntawv** hauv ib lub xyooos kawm ntawv. Yuav tsis nkim sijhawm ua cov kev tshuaj ntsuam xyuas no thiab cov menyuam kawm ntawv tuaj yeem ua haujlwm tau raws li qhov lawv xav ua.

Vim li cas pheej zoo li kuv tus menyuam ua ntau yam kev ntsuas?

Cov kev ntsuas thoob plaws lub xeev yeej muaj tsawg raws li sau tseg rau hauv cov ntaub ntawv no. Ntau lub chaw saib xyuas tsev kawm ntawv yeej txiav txim siab siv lawv yam kev ntsuas uas luv xeev tsis hais kom ntsuas. Hu rau koj lub chaw saib xyuas tsev kawm ntawv yog xav paub ntau ntxiv.

Kuv yuav tau cov ntaub ntawv ntxiv rau ntawm qhov chaw twg?

Cov menyuam kawm ntawv thiab cov tsev neeg tuaj yeem nrhiav cov ntaub ntawv ntxiv rau hauv pib [Nplooj ntawv Kev Ntsuas Thoob Plaws Lub Xeev](#) (education.state.mn.us > Students and Families > Cov Kev Pab Txhawb thiab Kev Pib Ua > Statewide Testing).



Minnesota Cov Cai Lij Choj, tshooj 120B.31, nqe 4a, yuav tsum kom pawg kws saib xyuas haujlwm tsim ua thiab luam ib daim ntawv foos rau cov niam txiv thiab cov neeg saib xyuas menyuam sau kom tiav yog lawv tsis kam lees cia lawv tus menyuam mus ua cov qauv ntsuas ntawm lub xeev. Tej zaum koj tus menyuam lub chaw saib xyuas tsev kawm xav tau lwm cov ntaub ntawv ntxiv. Cov chaw saib xyuas tsev kawm ntawv yuav tsum muab daim ntawv foos no tshaj tawm rau hauv nplooj ntawv peb ntawm ntawm lub website thiab muab tso rau hauv menyuam kawm ntawv cov phau ntawv kawm.

Niam Txiv/Tus Neeg Saib Xyuas Menyuam Tsis Kam Lees Cia Tus Menyuam Kawm Ntawv Mus Ua Cov Kev Tshuaj Ntsuam Xyuas

Yuav xaiv tsis mus ua cov kev tshuaj ntsuam xyuas thoob plaws hauv lub xeev, tus niam txiv/tus neeg saib xyuas menyuam yuav tsum sau daim ntawv foos no kom tiav thiab muab nws xa rov qab mus rau tus menyuam lub tsev kawm ntawv.

*Yuav pab txhawb qhov kev npaj hauv lub chaw saib xyuas tsev kawm ntawv kom tau zoo tshaj plaws, yuav tsum xa daim ntawv foos no rov qab mus rau tus menyuam lub tsev kawm ntawv kom tsis pub dhau lub lb Hlis 15 ntawm lub xyoo kawm ntawv. Rau cov menyuam kawm ntawv uas tso npe tom qab lub sijhawm pib ntsuas thoob plaws hauv lub xeev, thov xa daim ntawv foos no mus rau hauv lub sijhawm ob lub asthiv txij thaum tso npe mus. Cov niam txiv/cov neeg saib xyuas menyuam uas xaiv tsis cia tus menyuam mus ua cov kev tshuaj ntsuam xyuas thoob plaws lub xeev yuav tsum sau daim ntawv foos tshiab tsis kam lees **txhua lub xyoos**.*

Hnub _____ (Daim ntawv foos no **tsuas** siv tau rau xyoo kawm ntawv 20____ txog 20____ xwb.)
 Tus Menyuam Kawm Ntawv Lub Npe _____ Tus Menyuam Kawm Ntawv Tus Niam Ntawv Npe Nruab Nrab _____
 Tus Menyuam Kawm Ntawv Lub Xeev _____ Tus Menyuam Kawm Ntawv Hnub Yug _____
 Tus Menyuam Kawm Ntawv Lub Chaw Saib Xyuas Tsev Kawm/Tsev Kawm Ntawv _____ Qeb Kawm _____

Thov kos rau qhov xub thawj no tias koj yeej tau txais thiab tau saib xyuas cov ntaub ntawv hais txog qhov kev ntsuas thoob plaws hauv lub xeev lawm.

____ Kuv tau txais cov ntaub ntawv hais txog cov kev tshuaj ntsuam thoob plaws hauv lub xeev lawm thiab kuv xaiv tsis cia kuv tus menyuam mus ua qhov kev ntsuas. MDE muab *Cov Lus Qhia txog Qhov Kev Ntsuas thiab Tsis Kam Lees Cia Mus Koom Qhov Kev Ntsuas Thoob Plawv Hauv Lub Xeev qhia rau Tus Niam Txiv/Tus Neeg Saib Xyuas Menyuam tso ntawm [MDE website](#)* (Cov Menyuam Kawm Ntawv thiab Cov Tsev Neeg > Cov Kev Pab Txhawb thiab Kev Pib Ua > Kev Ntsuas Thoob Plaws Hauv Lub Xeev).

Lub laj thawj tsis kam lees:

Thov sau hais qhia txog lub laj thawj uas koj xaiv tsis cia koj tus menyuam mus ua cov kev tshuaj ntsuam xyuas thoob plaws hauv lub xeev rau lub xyoo kawm ntawv no:

_____ MCA/MTAS Kev Nyeem Ntawv _____ MCA/MTAS Hom Kawm Xaij
 _____ MCA/MTAS Hom Kawm Lej _____ ACCESS lossis Qhov Txauv Hloov ACCESS rau cov ELLs

Hu rau koj lub tsev kawm ntawv lossis lub chaw saib xyuas tsev kawm ntawv yog xav tau daim ntawv foos xaiv tsis ua cov kev tshuaj ntsuam xyuas hauv ib cheeb tsam.

Kuv nkag siab tias kev kos npe rau daim ntawv foos no, kuv tus menyuam yuav tsis plam qhov yuav tau txais tus qhab nia uas yuav pab ua rau tsis nkim nws lub sijhawm thiab tsis nkim nyiaj rau qhov tsis tau kho, tsis muaj qhab nia rau ntawm cov tsev kawm ntawv qeb siab hauv Xeev Minnesota. Kuv tus menyuam yuav tsis tau txais ib tug qhab nia rau tus kheej thiab yuav raug suav tias yog tus "tsis paub ntawv zoo" raws li cov qauv ntawm lub tsev kawm ntawv thiab lub chaw saib xyuas tsev kawm ntawv hauv ib cheeb tsam. Kuv lub tsev kawm ntawv thiab kuv yuav plam cov ntaub ntawv muaj nuj nqi hais txog qhov kawm tau ntawv zoo ntawm kuv tus menyuam. Tsis tas li no xwb, kev tsis kam lees mus koom qhov kev ntsuas thoob plaws lub xeev yuav cuam tshuam txog qhov muaj cai tau txais kev pab txhawb thiab qhov raug qhia ntawv rau ntawm lub tsev kawm ntawv, lub chaw saib xyuas tsev kawm ntawv hauv ib cheeb tsam thiab ntawm lub xeev.

Niam Txiv/Tus Neeg Saib Xyuas Menyuam Lub Npe (sau) _____
 Kos Npe ntawm Niam Txiv/Tus Neeg Saib Xyuas Menyuam _____

Tsuas yog cov neeg ua haujlwm ntawm lub tsev kawm ntawv lossis lub chaw saib xyuas tsev kawm ntawv yog cov sau kom tiav xwb. Tus Nab Npawb ID lossis MARSS ntawm Tus Menyuam Kawm Ntawv _____